



Jumat, 15 Januari 2021

Ogen: 1 Samuel 3:1-10



"Anak Suruh-Suruhan Tuhan"



Megati kal kita la saber i bas nimai panggilen, khususna i bas nimai panggilen kerja, gelarta/nomor antrianta ilebuh i bas bank, rumah sakit, apotek ras sidebanna. Adi ngerana kita kerna panggilen ntah pe gelarta siilebuh, Samuel me salah sada kisah si ngikutken kerna panggilen e. Tupung ia medem ilebuh Dibata me ia piga-piga kali, amin gia la ietehna si ngelebuch e Tuhan, tetap ialoina si ngelebuch e. Tuhan mereken kesempatan man Samuel guna ngaloi Ia, seh maka ikataken Eli, Tuhan me si ngelebuch e. Samuel, me anak si nggo itetapken guna jadi suruh-suruhan Tuhan. Ia ja, ndigan pe Samuel ilebuh ia arus siap sedia guna jadi suruh-suruhanNa. Penungkunenna gundari, adi kita si ilebuh Tuhan, nggit nge kita jadi suruh-suruhan Tuhan? Anak suruh-suruhan Tuhan arus nggit ilebuh kapan saja dan di mana saja. Samuel nggit jadi anak suruh-suruhan Dibata, kita uga? Renungenta sendah, mabai kita gelah megermet nimai pendilonNa. Nggit nge kita idilo Dibata? Mungkin lit si njababsa lang, lit ka deba nggit, sebab adi kalak Karo adi ikataken idilo Dibata berarti lawes ku surga ntah pe mate. Aku lengga nggit mate, ninta ka. Tapi sendah, persoalen idilo Dibata kepeken labo enca persoalen mate ntah pe lawes ku surga, tapi idiLo Dibata emekap nggit kita ipakeNa, ras nggit kita idiloNa guna jadi suruh-suruhanNa, bali bagi Samuel ndai. Emaka petetaplah ukurta, ula mbiar idiLo Dibata, sebab pendilona e, mabai geluhta ipake Dibata jadi persuruhanNa. Dibata ras kita, adi idilona kita berarti nggo isikapkenna kerina simehuli man banta, ijagaiNa kita, ipimpinNa kita. Nggo nge kita nggit idiLo Dibata? Anak suruh-suruhan Dibata eme bagi anak siisuruh Bapana, sebab kita segambar ras Dibata ertina uga biak Dibatanta bage me arusna biakta. Megati kita nimbak pendilo Dibata jadi suruh-suruhanNa erkiteken ninta : melala dosaku, kikat denga aku ku gereja, labo kai pe lit ibas aku, melala denga perbeben geluhku, ras sidebanna. Inget! Jadi persuruhan Dibata syaratna arus Ngikutken Ia ibas kegeluhenta. Jadi persuruhan Dibata, arus nggit ngelakoken bagi singeNa ate Dibata. Adi nggit kita idilo Dibata nggo pasti ibereNa kita gegeh simbelin. Gegeh e erbanca kita ngasup ndalanken kerina sura-sura Dibata. Emaka, adi nggit kita idiLo Dibata berarti siap kita ipakeNa ndalanken bagi singena ate Na. Ersikaplah jd suruh-suruhanNa, nggitlah idilo Dibata. Responta i bas pendilo Tuhan eme ngelakoken simehuli ras singena ateNa.